

江西攷古錄

卷之二
九
一

金谿王仁圃著

江西攷古錄

賦梅書屋藏板

光緒辛卯年孟夏
月重鐫校對無譌

重刊江西攷古錄序

江西攷古錄金谿王仁圃先生所作也
先生博學工文咸乾隆戊戌進士著
述等身曾刻十三經策案不脛而
走家於家置一編復集江西山川
要隘建置沿革與夫風俗物產彙

一

為成書博引繁徵而折衷於通志
即間參心得亦無一字無來歷誠
藝林之寶笈也原刻在乾隆丁亥
乃歲久毀於兵燹族孫長卿等從
友人案頭借錄一帙不忍私為枕
中祕也而願以諸同好因謀付剞

剛乞余言并其簡端余謂我朝功令詩文外兼試策問所以覘實學也操觚之士欲求與實於臨場必先誦究於平日而梓桑文獻尤當留心考據免貽教典而忘之讖是編博采群書融會貫穿自

二

成一家較江城名蹟等書尤覺精核不獨為策學之津梁並可補志乘之闕畝求實學者當無不先覩為快也余懼沒鄉先輩著書之苦心而負諸孫輩以善之雅意爰就課文之暇不辭而為之序云

光緒十七年歲輪重光第潤余
月中游奉新宋廷春書於豫章
書院之麗澤堂時年九旬



原序

叔孫穆叔之論不朽也以立言竝德功而三論辨考證之作亦立言之一端也然繁稱博引而其義弗精勦說蕪詞而其文弗備皆不可謂之言立吾鄉實學自宋以來號稱極盛以立言不朽者數十人迄今日而其風稍替矣雖有贍博馳騁之士往往務華去實匱在珠亡無

原序

當於古者立言之旨如是而欲希踪前哲戛戛乎其難哉吾友王君仁圃高才篤學著書滿家嘗爲豫章風土賦盈萬言有班揚之逸軌焉而意弗善也近爲江西考古錄十卷又十代文獻畧若干卷思以羽翼通志於其缺者補之略者詳之訛者正之疑者辨之穴幽闡奧抉抉無遺而義彰詞婉若有不敢自任之

意深得古人直而弗有之義充其所學
進而未已追鄉先哲而從之無難矣昔
劉原父與歐陽公竝起或者謂歐之文
工劉之學博予竊以爲不然歐公包涵
古今羅絡百氏取其精意發爲高文學
不可謂不博原父所補禮經三義雜之
戴記中殆有過之無不及文豈不工乎
論語曰好古敏以求之太史公曰好學

原序

二

深思心知其意君爲吾黨之俊傑蘄置
身於不朽以鳴

國家之盛願相與終勉焉乾隆丁亥元月
上浣南谿何飛能書



江西考古錄凡例

一江西古今事迹莫備於通志然多詳於近今而畧於遠古是編取名江西考古錄於通志詳者畧之畧者詳之非敢貴遠賤近抑效拾遺補闕之意

一江西全省所領郡縣古今沿革具載通志茲不復贅祇就前漢書地理志豫章郡十八縣相爲攷證此外若廬江九江雖別爲郡安成尋陽各分郡國然其始末皆屬江西當得合載東漢以後分設郡縣概不復考

江西考古錄卷

凡例

一江西全省地方在漢以後統名豫章唐時始號江西本末名實頗費推詳故是錄於此二目討論尤悉

一通志不另立土地一門惟散見各卷中如漢書白沙武林見武事志三國志椒邱上繚見古蹟志之類然傳記所載江西土地尙多今並采輯詳加辨考凡若干條彙爲一卷

一通志山川古蹟冢墓各依府縣分載幾無遺漏今惟擇其有關考辨者入錄亦有不甚著名而得廁

於其列者以通志或有遺誤亟需考訂也觀者幸勿哂爲挂漏

一江西水道略具漢書地理志及水經注其詳則見通志山川水利二門今祇就溪志十水水經注十川考校同異存其大概而不及水道原委抑以此書原爲考古起見自當分別講究

一江西物產向無專書卽通志載各府所出草木禽獸亦空存名色不著形狀今復採羣書補之略成片段以附於益部方物記桂海虞衡志之列

江西考古錄卷

凡例

二

一江西舊事如五嶺戍百丈戍樓船將軍洪州弩手皆見史鑑爲吾鄉大典故固當討論有神實學至如豫章行永新婦之屬雖無關緊要然左思有云風謡歌舞各附其俗是亦研精者所必及也故今增設故事一門以便考核

一通志有仙釋無神異茲錄著神異而不及仙釋者仙釋踪跡變幻無常原不係於一方而神異則有定所爲山川風氣所鍾若宮亭馬當二廟之靈驗山都木客之出南康古今相傳無以易也故備錄

之欲使咸知神姦云爾非敢涉於好怪也

一通志雜記二卷皆吾鄉人遺聞軼事可資談噱者然不過一人一事已耳茲更取古初荒遠時事及方言土俗可以考見江西全省大畧者始列爲雜志雖仍其名而實不相襲

一是錄所以不及人物者以現輯豫章十代文獻畧自漢訖唐江西人士事業文章畧具於此然尚在廣爲蒐羅未能卒業自當另勒成書以爲考古全功之一助

一江西地理始見禹貢若三江九江彭蠡敷淺原漢唐註疏與朱子蔡氏傳說多有不合今仍錄註疏本文而折衷以朱蔡之說遵功令也

一江西事實見經史者如左傳吳敗楚舟師於豫章史記吳有豫章郡銅山本文明白可據諸家雖多異說今皆不取此外若周易高宗伐鬼方尚書成湯放桀南巢史記神龜出廬江水中註家雖無明文而有他書可據亦亟收入是錄凡以好古情專附會之譏所勿恤也

一引用古書自經傳史鑑外若國語國策家語六韜紀年越絕呂覽淮南說苑風俗通博物志等書有與江西地方故事關涉者片語必錄亦以少見珍相爲引重之意

一古今地理書重複紛紜難以盡悉茲錄獨於山海經水經注二書詮解尤詳駁論亦少至如元和郡國志太平寰宇記等書雖多徵引然必因有疑誤始爲考正否則存而不論

一江西自設郡以後所有志乘亡慮數十種今其書

江西考古錄卷一

凡例

四

俱已久軼惟略散見於說郛類函中遇有搜羅必加掇拾亦有通志采用其說而不注原書者今悉標明書目即以文獻所關無徵不信非薄今人而愛古人也

一錄雖博考載籍錯綜貫串然發端歸結畢竟以通志爲主如通志有缺則必就諸書中取一說爲之提綱立案然後旁通曲暢條析發揮故文勢雖有參差亦各自成結構

一錄多用註疏文體反覆援引轉相訓釋有不免

辭重者復處意在考核確鑿辨論詳明俾閱者得以悉其本末異同之故文之工拙非所計也

一是錄固依据羣書折衷論斷然亦間參鄙見如以鄱陽爲春秋潘子邑見左傳敖城爲孫叔敖封邑寢邱新淦爲卽漢書上淦石鐘山爲神禹所開賈萌廟之爲賈雍鈞磯倉爲在豫章此皆江西數千百年一大公案始經拈出畧無疑碍一得之愚或亦大雅君子所勿棄也

一江西風土賦本愚少年所作於今十餘年凡三易

江西考古錄卷

凡例

五

稿矣恐覆醬甌寧勿以災梨棗然於江西山川古蹟風俗物產頗費考核故每得句卽疏茲錄爲疏中所討論者蓋什八九外增益若干條其爲此錄併識於此以示先河後海必有所本

一江西考古錄旣成謬爲諸同人許可以爲有資吾鄉策學懲愚傳梓然恐挂漏不全反來詣病因更就通志中摘其有關於土地人民政事文獻者分別門類條貫今古爲江西策務考略若干卷以備鄉闈答問之用其有疑難則當參考是錄

江西考古錄目錄

第一卷

郡邑

豫章

廬江

艾

柴桑

鄒陽

餘汗

南壆

海昏

廬陵

建成

安平

尋陽

第二卷

土地

東陵

謝德霖甫
長御嫩悟氏校訂重刊
懋德簡菴

九江

鄱陽

彭澤

贛

南昌

新淦

雩都

歷陵

南城

宜春

安成

江南江東江西

敖

江西考古錄卷一

目錄

一

白沙武林

武陽

塞上

椒邱

上繚

湓口

富口

石頭

半洲

南塘

趙屯

桑落洲

白茅洲

白水浦

金口三陂

芊韶

工塘

查田

江西考古錄卷一

目錄

二

蛇里

雷澤

南浦

龍沙

鄔子

通塘

第三卷

山阜

敷淺原

廬山

西山

歷陵石山

軍山

五章山

石鼓山

松門山

望夫山

君陽山

大小孤山

石鍾山

石門山

昌邑山

敗伏山

贛山

長嶺山

銅山黃山

新山

羊山長壽山

大庾嶺

梅嶺

悲猿嶺

望夫岡

玉女岡

華子岡麻源第三谷

江西考古遺蹟

目錄

三

洞天福地

第四卷

川澤

三江

南江

九江

彭蠡

漢志十水

水經注十川

章貢二水

廬水

廬江水

湓水

汨水

淶水

泚水攸水瀏水

瀟水

大庾水

猶水

夢水

博陽川

宮亭湖

落星湖

青林湖

鶴問湖

南湖

東湖

平湖

上饒江

建昌江

象牙江

贛灘

贛潭

第五卷

江西考古錄卷一

目錄

四

古蹟

盤古保

倉頡祠

洪崖井

軒轅摩鏡石

堯故亭

舜祠

禹刻石

巢湖城

康王谷

越王城

萍實里

歙馬臺

灌嬰井

射蛟浦

羽章館

梅福宅

徐孺子宅

西城

置馬亭

谷鹿洲

周瑜堞

甘卓壘

郭默城

釣磯臺

庾樓

沉書浦

陶公故居

石壁精舍

齊庾臺

稽亭

蔡子池

螺亭

江西考古錄卷一

目錄 五

金井

松關

第六卷

冢墓

象冢

澹臺滅明墓

長沙王吳芮墓

英布冢

七侯墓

陳墓

徐孺子墓

許劭墓

聶友墓

周瑜墓

陶侃母墓

衛玠墓